



Dyddiad y Crëwyd: 24/05/18  
Dyddiad y  
Cyhoeddwyd: 24/05/18  
Rhif y Fersiwn: 1.00

---

**Man Gwasanaeth:** Cyllid Corfforaethol  
**Man Gweithio:** Llyfr pryniant  
**Manylion Cyswllt:** Mr A Southcombe (Rheolwr Cyllid, Cyllid Corfforaethol 01443 863214)  
**Enw'r Hysbysiad Preifatrwydd:** Llyfr pryniant Cyllid Corfforaethol  
**Disgrifiad o'r Hysbysiad Preifatrwydd:** Bydd yr hysbysiad Preifatrwydd hwn yn esbonio sut yr ydym yn defnyddio'ch gwybodaeth er mwyn gweinyddu eich cyfrif cyflenwyr mewn perthynas â phrosesu archebion a thaliadau.

## Sut y byddwn yn defnyddio'ch gwybodaeth

### Eich Rhwymedigaethau

#### **Mae gennych rwymedigaeth i ddarparu'r wybodaeth y gofynnwyd amdani**

Mae'n rhaid i chi ddarparu gwybodaeth i ni i'n galluogi i brosesu gorchmynion, sefydlu contractau a gweinyddu taliadau, cyfrifo TAW ac unrhyw drethi eraill sy'n ddyledus. Mae angen i chi ddarparu enw eich busnes, enwau masnachu eraill (os oes rhai), eich cyfeiriadau busnes a chyfeiriadau eich adran cyfrifeg (os o gwbl), eich gwybodaeth cyfrif banc os oes angen taliad drwy drosglwyddiad banc, eich manylion TAW, manylion cyswllt ar gyfer unigolion yn eich adrannau cyfrifeg a phrosesu ac anfonebu archebion gwerthu, manylion unrhyw gofrestrriad Cynllun y Diwydiant Adeiladu (CIS). Os ydych yn unig fasnachwr neu bartneriaeth fach neu gwmni bach cyfyngedig, bydd gofyn i chi ddarparu gwybodaeth i ni wneud asesiad o'ch statws treth. Bydd hyn yn gofyn am eich enw, enwau partneriaid, cyfarwyddwyr neu gyfranddalwyr, dyddiadau geni, Rhifau Yswiriant Gwladol a rhyw.

Mae arnom angen eich gwybodaeth bersonol mewn perthynas â'r contract/contractau posibl neu archeb i gyflenwi nwyddau, gwaith neu wasanaethau i'r Cyngor. Ni allwn ymrwymo i gontract gyda chi heb y wybodaeth hon. Mae angen eich manylion arnom er mwyn prosesu unrhyw daliadau a fydd yn dod o dan y cysylltiadau hynny.

#### **Y canlyniadau o beidio â darparu'r wybodaeth y gofynnwyd amdani**

Os na fyddwch yn rhoi'ch manylion, ni fyddwn yn gallu ymrwymo i unrhyw gontractau gyda chi i gyflenwi'r cyngor gydag unrhyw nwyddau, gwaith neu wasanaethau. Ni allwn anfon archebion i chi, cyfathrebu â chi na gwneud taliad i chi.

## Y diben a'r sail gyfreithiol ar gyfer defnyddio eich gwybodaeth

**Diben y gwaith prosesu**

Mae arnom angen eich manylion er mwyn i ni allu asesu eich addasrwydd i gyflenwi nwyddau a gwasanaethau yn unol â Rheolau Gweithdrefn y Cyngor ac o ganlyniad i wneud cysylltiadau cytundebol gyda chi ac yn y pen draw talu am y nwyddau a'r gwasanaethau a ddarperir.

Mae angen eich gwybodaeth i gysylltu â chi i weinyddu'ch cyfrif, codi archebion am nwyddau a gwasanaethau, datrys ymholiadau a phrosesu taliadau.

### **Sail gyfreithiol ar gyfer y gwaith prosesu**

Mae rhwymedigaeth gytundebol i brosesu eich gwybodaeth fel y nodir isod:

Byddwn yn ymrwmo i berthynas gytundebol gyda chi fel cyflenwr nwyddau neu wasanaethau i'r cyngor.

Er mwyn i brosesu data personol fod yn gyfreithlon o dan Reoliadau Diogelu Data Cyffredinol 2016, mae'n rhaid nodi amod dilys o Erthygl 6 o'r Rheoliadau, a amlinellir isod:

1b. mae prosesu yn angenrheidiol ar gyfer perfformio contract y mae'r testun data yn barti iddo neu er mwyn cymryd camau ar gais y testun data cyn ymrwmo i gontract;

## **Pwy fydd yn gallu cyrchu eich gwybodaeth?**

### **Manylion y Rheolwr Data a Swyddog Diogelu Data**

Y Rheolwr Data ar gyfer eich gwybodaeth yw Cyngor Bwrdeistref Sirol Caerffili. Y Swyddog Diogelu Data yw:

Ms Joanne Jones

Y Rheolwr Llywodraethu Gwybodaeth Gorfforaethol/Swyddog Diogelu Data

E-bost: diogeludata@caerffili.gov.uk

Ffôn: 01443 864322

Efallai y bydd Rheolwyr Data eraill hefyd yn gyfrifol am eich gwybodaeth, yn dibynnu ar yr amgylchiadau penodol. Cysylltwch â'r Maes Gwasanaeth am ragor o wybodaeth.

### **Manylion prif ddefnyddwyr eich gwybodaeth**

Bydd yr adran Gaffael a all fod yn gysylltiedig â dyfarnu contractau, yr adrannau a meysydd gwasanaeth eraill sy'n contractio gyda chi neu roi gorchmynion ar gyfer cyflenwi nwyddau a gwasanaethau, a'r adran cyllid corfforaethol yn defnyddio'ch gwybodaeth.

Unwaith y bydd eich cofnod wedi'i sefydlu o fewn y system daliadau ac archebu, gall pob maes gwasanaeth ei gyrchu er mwyn codi archebion a phrosesu taliadau

### **Manylion am unrhyw rannu o'ch gwybodaeth**

Mae gennym ddyletswydd i ddiogelu'r arian cyhoeddus a weinyddwn ac i atal twyll. Efallai y bydd angen i ni hefyd wirio cywirdeb eich gwybodaeth a gallwn rannu neu wirio'ch gwybodaeth gydag eraill at y diben hwn, gan gynnwys:

- cyrff cyhoeddus eraill megis Cyllid a Thollau Ei Mawrhydi er mwyn cydymffurfio â TAW a rheoliadau eraill megis treth CIS ac IR 35.
- Adolygiadau neu arolygwyr Cyllid a Thollau Ei Mawrhydi sy'n ymgymryd ag unrhyw adolygiadau neu ymchwiliadau

- meysydd gwasanaeth eraill yng nghyngor bwrdeistref sirol Caerffili ac o fewn cofnodion ein llyfr pryniant i atal a chanfod taliadau anghywir neu daliadau dyblyg neu gofnodion cyflenwyr ac amddiffyn arian cyhoeddus rhag camgymeriadau.
- Adran archwilio mewnol
- cydweddu data â chyrrff cyhoeddus eraill fel rhan o'r fenter Atal Twyll Genedlaethol
- ein harchwilwyr allanol sy'n gwirio'r manylion a gyflwynir yn ein cyfrifon ariannol blynyddol.
- Ein cynghorwyr trethi allanol sy'n rhoi cyngor ac arweiniad penodol o dro i dro mewn perthynas ag amgylchiadau unigol mewn perthynas â chyflenwyr penodol.

### **Ceisiadau am wybodaeth**

Mae'n bosibl y bydd yr holl wybodaeth a gedwir gan Gyngor Bwrdeistref Sirol Caerffili yn destun ceisiadau o dan Ddeddf Rhyddid Gwybodaeth 2000, Rheoliadau Gwybodaeth Amgylcheddol 2004 a deddfwriaeth Diogelu Data.

Os bydd yr wybodaeth a ddarperir gennych yn destun cais o'r fath, bydd Cyngor Bwrdeistref Sirol Caerffili yn ymgynghori â chi ynghylch ei rhyddhau, lle bo hynny'n bosibl. Os byddwch yn gwrthwynebu rhyddhau eich gwybodaeth, byddwn yn cadw'r wybodaeth yn ei hôl, os bydd y deddfwriaeth berthnasol yn caniatáu i hynny ddigwydd.

## **Am ba hyd y byddwn yn cadw eich gwybodaeth?**

### **Manylion y cyfnod cadw**

Mae'r cyfnod y mae Cyngor Bwrdeistref Sirol Caerffili yn cadw gwybodaeth yn cael ei bennu drwy ofynion statudol neu arferion gorau.

Rydym yn cadw cofnodion cyfrifon trafodion a chyflenwyr am gyfnod o 6 blynedd oni bai bod y rhain mewn perthynas â gwariant a ysgwyddir mewn perthynas â chynlluniau grant penodol lle mae'r corff cyllido grantiau'n gwahardd cyfnodau cadw hirach. Mae'r rhain yn cael eu pennu ar sail unigol.

## **Eich Hawliau (gan gynnwys y Weithdrefn Gwynion)**

### **Eich Hawliau (gan gynnwys y Weithdrefn Gwynion)**

#### **Eich hawliau dan gyfraith Diogelu Data**

Mae'r ddeddf Diogelu Data yn rhoi nifer o hawliau i wrthrychau'r data (y rheiny y mae'r wybodaeth yn sôn amdanynt):

- Hawl i gael mynediad at ddata gan y testun - mae ffurflenni cais ar gyfer y broses hon ar gael ar ein gwefan: [Ffurflen Gais am Fynediad at Ddata gan y Testun \(SAR\)](#)
- Yr hawl i gael gwybod
- Yr hawl i gywiro
- Yr hawl i ddileu
- Yr hawl i gyfyngu ar brosesu
- Yr hawl i wrthwynebu
- Yr hawl i gludadwyedd data
- Hawliau mewn perthynas â gwneud penderfyniadau a phroffilio awtomataidd.

Mae rhagor o wybodaeth am eich hawliau ar gael ar y wefan hon: [www.ico.org.uk](http://www.ico.org.uk).

Er mwyn datgan eich hawliau, cysylltwch â'r maes gwasanaeth y manylir arno ar frig y ffurflen hon.

### **Y Weithdrefn Gwynion**

Os ydych yn anfodlon â'r modd y mae Cyngor Bwrdeistref Sirol Caerffili wedi ymdrin â'ch cais/gwybodaeth, mae gennych yr hawl i gwyno. Cysylltwch â'r Maes Gwasanaeth, y manylir arno ar frig y ddogfen hon, gan amlinellu eich pryderon.

Os byddwch yn parhau'n anfodlon, mae gennych hefyd yr hawl i gwyno wrth Swyddfa'r Comisiynydd Gwybodaeth. Dilynwch y ddolen hon am ragor o wybodaeth am y broses gwyno.

<https://www.caerphilly.gov.uk/My-Council/Data-protection-and-freedom-of-information/Questions-and-complaints?lang=cy-gb>